



Broj:

Sarajevo, 14.04.2017. godine

MEDIJIMA

PREDMET: Saopćenje za javnost

Informacija o mikrokreditnom sistemu Federacije BiH za 2016. godinu

U Federaciji BiH sa 31.12.2016. godine, dozvolu za rad Agencije za bankarstvo FBiH imalo je 12 mikrokreditnih organizacija, od toga 11 mikrokreditnih fondacija (neprofitne organizacije) i jedno mikrokreditno društvo (profitna organizacija), koje poslovanje obavljaju putem 279 organizacionih dijelova. U mikrokreditnom sektoru sa 31.12.2016. godine bio je zaposlen 1.251 radnik, što je za 51 radnika, ili 4% više u odnosu na 2015. godinu.

Bilansna suma MKO za 2016. godinu iznosi 440,1 miliona KM od čega se na MKF odnosi 407,2 miliona KM ili 92,5%, a na MKD 32,9 miliona KM ili 7,5%. Bilansna suma na kraju 2016. godine bila je veća za 16,8 miliona KM ili 4% u odnosu na stanje za isti period prethodne godine.

Ukupni bruto krediti MKO, kao najznačajnija stavka aktive, iznosili su 377,9 miliona KM i čine 86% ukupne aktive MKO, te su veći za 6% u odnosu na kraj prethodne godine, dok su neto krediti iznosili 374,5 miliona KM i veći su za 6% u odnosu na stanje 2015. godine. Mikrokreditiranje je najvećim dijelom usmjereno na kreditiranje poljoprivrede (34%), stambenih potreba (20%) i uslužnih djelatnosti (19%), te se većim dijelom odnosi na dugoročne kredite fizičkim licima.

Prosječne ponderisane efektivne kamatne stope na ukupne kredite u mikrokreditnom sektoru, u četvrtom kvartalu 2016. godine, iznosile su 25,64% te su u odnosu na isti period 2015. povećane za 0,94 procentna poena. U cilju smanjenja kamatnih stopa na mikrokredite, a u kontekstu zaštite potrošača-klijenta MKO, te ispunjenja misije mikrokreditiranja, Agencija u kontrolama posebno cijeni i kontrolira sve vrste troškova poslovanja MKO koji imaju značajnog utjecaja na formiranje kamatnih stopa, te ocjenjuje njihovu neophodnost, shodno čemu izdaje adekvatne naloge.

U poređenju s krajem prethodne godine, sa 31.12.2016. godine, mikrokreditni portfolio bilježi rast od 6% (22,5 miliona KM), te iskazuje poboljšanje pokazatelja kvaliteta aktivnog kreditnog portfolija.

Osnovni izvor sredstava MKO su obaveze po uzetim kreditima koje su 2016. godine iznosile 207,9 miliona KM ili 47% ukupne pasive, te su e zadržale na približno istom nivou u odnosu na stanje 2015. godine.

Na nivou mikrokreditnog sektora u Federaciji BiH, ostvaren je pozitivan finansijski rezultat u iznosu od 16.415 hiljada KM, što je za 106 hiljada KM ili 1% više u odnosu na isti period prethodne godine.

URED ZA INFORMISANJE FBA